



**ВЛАДА ФЕДЕРАЦИЈЕ
БОСНЕ И ХЕРЦЕГОВИНЕ**

462

Na osnovu člana 13. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10), Vlada Federacije Bosne i Hercegovine, na nastavku 5. sjednice održane 21. aprila 2011. godine, donosi

UREDBU

**O IZMJENAMA UREDBE O NAKNADAMA KOJE
PRIPADAJU ČLANOVIMA VLADE FEDERACIJE
BOSNE I HERCEGOVINE I NJIHOVIM
SAVJETNICIMA KOJE NEMAJU KARAKTER PLAĆE**

Član 1.

U Uredbi o naknadama koje pripadaju članovima Vlade Federacije Bosne i Hercegovine i njihovim savjetnicima koje nemaju karakter plaće ("Službene novine Federacije BiH", broj 87/10), član 2. mijenja se i glasi:

"Članovi Vlade Federacije BiH, čije je mjesto prebivališta udaljeno više od 70 kilometara od sjedišta institucije u kojoj su zaposleni, koji nemaju osiguran službeni smještaj, imaju pravo na naknadu za zakup stana za službene potrebe, naknadu troškova smještaja i naknadu za odvojeni život od porodice u visini od 600 KM mjesečno.

Članovi Vlade Federacije BiH, čije je mjesto prebivališta udaljeno više od 70 kilometara od sjedišta institucije u kojoj su zaposleni, koji imaju osiguran službeni smještaj, imaju pravo na naknadu troškova smještaja i naknadu za odvojeni život od porodice u visini od 300 KM mjesečno."

Član 2.

Član 3. mijenja se i glasi:

"Savjetnici, čije je mjesto prebivališta udaljeno više od 70 kilometara od sjedišta institucije u kojoj su zaposleni, koji nemaju osiguran službeni smještaj, imaju pravo na naknadu za zakup stana za službene potrebe, naknadu troškova smještaja i

naknadu za odvojeni život od porodice u visini od 300 KM mjesečno.

Osobe iz stava 1. ovog člana, koje imaju osiguran službeni smještaj, ali za smještaj plaćaju troškove, imaju pravo na naknadu troškova smještaja i naknadu za odvojeni život od porodice u visini od 150 KM mjesečno".

Član 3.

Ova uredba stupa na snagu narednog dana od dana objavljivanja u "Službenim novinama Federacije BiH".

V. broj 347/11

21. aprila/travnja 2011. godine
Sarajevo

Premijer
Nermin Nikšić, s. r.

463

Na osnovu čl. 43. i 67. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10), Vlada Federacije Bosne i Hercegovine, na nastavku 5. sjednice održane 21. aprila 2011. godine, donosi

UREDBU

**O IZMJENAMA UREDBE O NAKNADAMA KOJE
NEMAJU KARAKTER PLAĆE**

Član 1.

U Uredbi o naknadama koje nemaju karakter plaće ("Službene novine Federacije BiH", broj 63/10) u članu 4. stav 1. riječi: "u visini od 400 KM" se brišu.

U stavu 2. broj "300" mijenja se brojem "200".

Član 2.

Ova uredba stupa na snagu narednog dana od dana objavljivanja u "Službenim novinama Federacije BiH".

V. broj 348/11

21. aprila/travnja 2011. godine
Sarajevo

Premijer
Nermin Nikšić, s. r.